



Broj: 05/1-50-13-26-55-9/19
Sarajevo, 21.1.2019.

PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
DOM NARODA

 BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 21.01.2019

Organizaciona jedinica	Klasifikaciona oznaka	Radni broj	Broj priloga

PREDMET: Izvještaj o radu Nezavisnog odbora Parlamentarne skupštine BiH kao nezavisnog tijela policijske strukture Bosne i Hercegovine za 2018. godinu

Poštovani,

U skladu sa članom 7. stav (1) tačka e) Zakona o nezavisnim i nadzornim tijelima policijske strukture Bosne i Hercegovine ("Službeni glasnik BiH" broj 36/08) i članom 9. Poslovnika o radu Nezavisnog odbora kao nezavisnog tijela policijske strukture BiH ("Službeni glasnik BiH" broj 93/09) Nezavisni odbor je na 55. sjednici održanoj 15. 1. 2019. godine usvojio Izvještaj o radu Nezavisnog odbora Parlamentarne skupštine BiH kao nezavisnog tijela policijske strukture Bosne i Hercegovine za 2018. godinu i dostavlja ga Parlamentarnoj skupštini BiH na usvajanje.

S poštovanjem,



Prilog: Izvještaj o radu Nezavisnog odbora Parlamentarne skupštine BiH kao nezavisnog tijela policijske strukture Bosne i Hercegovine za 2018. godinu na bosanskom, hrvatskom i srpskom jeziku

Dostavljeno:

- Naslovu
- a/a



Broj: 05/1-50-13-26-55-8/19
Sarajevo, 15.1.2019.

IZVJEŠTAJ

o radu Nezavisnog odbora Parlamentarne skupštine Bosne i Hercegovine kao nezavisnog tijela policijske strukture Bosne i Hercegovine za 2018. godinu

Januar 2019. godine

SADRŽAJ

POGLAVLJE I. UVODNE NAPOMENE	3
POGLAVLJE II. NADLEŽNOSTI NEZAVISNOG ODBORA	4
POGLAVLJE III. IZVRŠAVANJE ZADATAKA IZ NADLEŽNOSTI NEZAVISNOG ODBORA.....	4
 Odjeljak A. Realizacija zadataka održavanjem redovnih sjednica Nezavisnog odbora.....	5
 Odjeljak B. Realizacija zadataka održavanjem sastanaka s rukovodiocima policijskih tijela BiH u skladu s Planom rada za 2018.	14
1. Posjeta Direkciji za koordinaciju policijskih tijela BiH 22. 1. 2018.....	15
2. Posjeta Graničnoj policiji BiH 25. 1. 2018.	15
3. Posjeta Državnoj agenciji za istrage i zaštitu 29. 1. 2018.	16
4. Posjeta Direkciji za koordinaciju policijskih tijela BiH 13. 9. 2018.	16
5. Posjeta Graničnoj policiji BiH 4. 10. 2018.	16
6. Posjeta Državnoj agenciji za istrage i zaštitu 12. 11. 2018.	17
7. Posjeta Direkciji za koordinaciju policijskih tijela BiH 18. 12. 2018.....	17
POGLAVLJE IV. SARADNJA S MEDUNARODNIM ORGANIZACIJAMA I OSIGURANJE JAVNOSTI RADA.....	17
POGLAVLJE V. ADMINISTRATIVNO-TEHNIČKA PODRŠKA RADU.....	18
POGLAVLJE VI. PREPORUKE I ZAKLJUČCI.....	18

Na osnovu člana 7. stav (1) tačka e) Zakona o nezavisnim i nadzornim tijelima policijske strukture Bosne i Hercegovine i člana 9. tačka e) Poslovnika o radu Nezavisnog odbora kao nezavisnog tijela policijske strukture Bosne i Hercegovine, Nezavisni odbor je na 55. sjednici, održanoj 15. 1. 2019, usvojio i Parlamentarnoj skupštini Bosne i Hercegovine podnosi sljedeći -

IZVJEŠTAJ

o radu Nezavisnog odbora Parlamentarne skupštine Bosne i Hercegovine kao nezavisnog tijela policijske strukture Bosne i Hercegovine za 2018. godinu

POGLAVLJE I. UVODNE NAPOMENE

Nezavisni odbor osnovan je Zakonom o nezavisnim i nadzornim tijelima policijske strukture Bosne i Hercegovine ("Službeni glasnik BiH", broj 36/08), kao nezavisno tijelo Parlamentarne skupštine BiH.

Nezavisni odbor ima devet članova koji su imenovani na mandat od četiri godine odlukom Parlamentarne skupštine BiH ("Službeni glasnik BiH", br. 20/14 i 53/17), i to:

1. Tatjana Klječanin-Martić, predsjednica Nezavisnog odbora,
2. Enes Obralića, prvi zamjenik predsjednice Nezavisnog odbora,
3. Mato Jozić, drugi zamjenik predsjednice Nezavisnog odbora,
4. Adisa Begić, članica Nezavisnog odbora,
5. Ilma Mehić-Jusufović, članica Nezavisnog odbora,
6. Nikola Džambas, član Nezavisnog odbora,
7. Mate Miletić, član Nezavisnog odbora,
8. Ljubomir Kuravica, član Nezavisnog odbora,
9. Vladimir Jurišić, član Nezavisnog odbora.

- Dopisom broj: 01,02,05/1-34-1-1382/18 od 7. 6. 2018. predsjednica Nezavisnog odbora Tatjana Klječanin-Martić podnijela je Zahtjev za razrješenje dužnosti člana Nezavisnog odbora kao nezavisnog tijela policijske strukture BiH.

Dom naroda Parlamentarne skupštine Bosne i Hercegovine je na 41. sjednici, održanoj 27. jula 2018. godine, donio Odluku o razrješenju dužnosti člana Nezavisnog odbora kao

nezavisnog tijela policijske strukture BiH Tatjane Klječanin-Martić dok Predstavnički dom Parlamentarne skupštine navedeni zahtjev nije razmatrao.

POGLAVLJE II. NADLEŽNOSTI NEZAVISNOG ODBORA

Nezavisni odbor je, u skladu sa Zakonom o nezavisnim i nadzornim tijelima policijske strukture BiH i Poslovníkom o radu Nezavisnog odbora, nadležan za provođenje procesa odabira kandidata i predlaganje smjenjivanja policijskih rukovodilaca i zamjenika rukovodilaca policijskih tijela BiH; objavljivanje javnih konkursa i razmatranje prijave kandidata, vršenje odabira i dostavljanje ministru sigurnosti BiH imena najviše pet kandidata za rukovodioce i imena najviše pet kandidata za zamjenike rukovodilaca policijskih tijela BiH, predlaganje smjenjivanja rukovodilaca i zamjenika rukovodilaca policijskih tijela BiH, ako su počinili krivično djelo, osim za krivična djela iz oblasti sigurnosti saobraćaja, ili ako počine tešku povredu službene dužnosti, kao i u slučaju ako utvrdi da ne postižu odgovarajuće rezultate, razmatranje pritužbi na rad rukovodilaca i zamjenika rukovodilaca policijskih tijela BiH i obavješćavanje o tome ministra sigurnosti BiH i Vijeće ministara BiH, iniciranje pokretanja disciplinskog postupka protiv rukovodilaca i zamjenika rukovodilaca policijskih tijela BiH, obradu podataka i vođenje evidencije u skladu sa zakonom i drugim propisima i ostale poslove propisane zakonom, Poslovníkom o radu i drugim propisima.

POGLAVLJE III. IZVRŠENJE ZADATAKA IZ NADLEŽNOSTI NEZAVISNOG ODBORA

Osnovna nadležnost Nezavisnog odbora je provođenje procesa odabira kandidata za rukovodioce i zamjenike rukovodilaca policijskih tijela BiH, te u vezi s tim objavljivanje javnih konkursa i razmatranje prijave kandidata, vršenje odabira i dostavljanje ministru sigurnosti BiH imena najviše pet kandidata za rukovodioce i imena najviše pet kandidata za zamjenike rukovodilaca policijskih tijela BiH.

U vezi s navedenim, Nezavisni odbor je u 2018. godini proveo i u okvirima svoje nadležnosti okončao proceduru odabira kandidata za izbor direktora i zamjenika direktora policijskih tijela Bosne i Hercegovine, i to za: direktora Granične policije Bosne i Hercegovine (1 izvršilac), zamjenika direktora Granične policije Bosne i Hercegovine (1 izvršilac),

zamjenika direktora Državne agencije za istrage i zaštitu (1 izvršilac), direktora Direkcije za koordinaciju policijskih tijela Bosne i Hercegovine (1 izvršilac) i zamjenika direktora Direkcije za koordinaciju policijskih tijela Bosne i Hercegovine (2 izvršioca).

Nezavisni odbor je u toku 2018. godine redovno održavao komunikaciju s rukovodiocima policijskih agencija po svim bitnim pitanjima iz njihovog djelokruga, s posebnim naglaskom na aktivnosti koje su policijska tijela preduzimala u vezi s događanjima koja su izazivala veću medijsku pažnju.

Osim ove nadležnosti, Nezavisni odbor nadležan je i za predlaganje smjenjivanja rukovodilaca i zamjenika rukovodilaca policijskih tijela BiH, iniciranje pokretanja disciplinskih postupaka protiv rukovodilaca policijskih agencija BiH.

Odjeljak A. Realizacija zadataka održavanjem sjednica Nezavisnog odbora

U izvještajnom periodu Nezavisni odbor održao je 15 redovnih sjednica i jednu hitnu sjednicu, na kojima su ukupno obrađene 61 tačka dnevnog reda i 14 zaključaka.

Broj i datum održavanja sjednice	Broj razmatranih tačaka dnevnog reda na sjednici	Broj prisutnih članova sjednicama Nezavisnog odbora	Broj članova koji nisu bili prisutni sjednicama Nezavisnog odbora	Zakazivane pa otkazivane sjednice iz objektivnih razloga
40./15. 1. 2018.	6	9	0	
41./29. 1. 2018.	6	9	0	
42./22. 2. 2018.	6	8	1	
43./8. 3. 2018.	1	9	0	
44./9. 3. 2018.	1	9	0	
45./9. 3. 2018.	3	9	0	
3. hitna / 11. 4. 2018.	1	7	2	
46./23. 4. 2018.	6	8	1	
47./22. 5. 2018.	3	9	0	
48./18. 6. 2018.	3	8	1	
49./9. 7. 2018.	4	7	2	

50./27.8.2018.	3	8	1	
51./24.9.2018.	3	7	2	
52./22.10.2018.	6	7	2	
53./19.11.2018.	4	8	1	
54./12.12.2018.	5	8	1	

Nezavisni odbor je na sjednicama razmatrao pitanja iz svoje nadležnosti, od kojih izdvajamo:

Na 40. sjednici Nezavisnog odbora, održanoj 15. 1. 2018, razmatrane su informacije Direkcije za koordinaciju policijskih tijela BiH, Granične policije BiH i Državne agencije za istrage i zaštitu, a koje su Nezavisnom odboru dostavljene u skladu sa zaključkom s 37. sjednice koji je glasio: *Potrebno je uputiti dopis Direkciji za koordinaciju policijskih tijela BiH, Državnoj agenciji za istrage i zaštitu i Graničnoj policiji BiH da Nezavisnom odboru dostave tabelarni prikaz o nacionalnoj zastupljenosti policijskih službenika po organizacionim jedinicama i činovima u tim policijskim agencijama i procentom zastupljenosti konstitutivnih naroda i ostalih* Nagon toga jednoglasno je donesen

ZAKLJUČAK

Nakon analize dostavljenih informacija iz Direkcije za koordinaciju policijskih tijela BiH, Državne agencije za istrage i zaštitu i Granične policije BiH, Nezavisni odbor izražava nezadovoljstvo nacionalnom zastupljenošću policijskih službenika po organizacionim jedinicama i činovima.

U tom smislu, Nezavisni odbor smatra da je potrebno da se navedenom pitanju ozbiljnije pristupi kako bi se procentualna zastupljenost konstitutivnih naroda i ostalih poboljšala u odnosu na postojeće stanje, a što je u skladu sa Ustavom BiH i Zakonom o policijskim službenicima BiH

Ovaj zaključak upućen je rukovodiocima Direkcije za koordinaciju policijskih tijela BiH, Državne agencije za istrage i zaštitu i Granične policije BiH.

Na istoj sjednici razmatrane su i informacije Direkcije za koordinaciju policijskih tijela BiH, Granične policije BiH i Državne agencije za istrage i zaštitu, a koje su Nezavisnom odboru dostavljene, također, u skladu sa zaključkom s 37. sjednice koji je glasio: *Nezavisni odbor traži od rukovodilaca Direkcije za koordinaciju policijskih tijela BiH, Državne agencije za*

istrage i zaštitu i Granične policije BiH informaciju o isteku mandata rukovodilaca i zamjenika rukovodilaca ovih policijskih tijela i podatke o eventualnom ispunjavanju uslova za odlazak u penziju, i u vezi s tim jednoglasno je donesen sljedeći

ZAKLJUČAK

U vezi s podacima dostavljenim iz policijskih agencija BiH koji se odnose na eventualno ispunjavanje uslova za odlazak u penziju, Nezavisni odbor ih je primio k znanju i dostavlja ih ministru sigurnosti BiH na upoznavanje.

Nezavisni odbor traži od rukovodilaca policijskih tijela BiH i njihovih zamjenika da ministru sigurnosti BiH i Nezavisnom odboru blagovremeno dostave podatke o eventualnom ispunjavanju uslova za odlazak u penziju

Razmatran je i Prijedlog Izvještaja o radu Nezavisnog odbora Parlamentarne skupštine Bosne i Hercegovine kao nezavisnog tijela policijske strukture Bosne i Hercegovine za 2017. godinu koji je nakon rasprave jednoglasno usvojen.

Jednoglasno je donesen i sljedeći **zaključak**: Do naredne sjednice Nezavisnog odbora članovi Nezavisnog odbora održat će sastanke s rukovodstvima policijskih agencija BiH kako slijedi: Tatjana Klječanin-Martić, predsjednica Nezavisnog odbora, Enes Obralića, prvi zamjenik predsjednice Nezavisnog odbora, i Nikola Džambas, član Nezavisnog odbora, održat će sastanak s rukovodstvom Granične policije BiH; Mato Jozić, drugi zamjenik predsjednice Nezavisnog odbora, Adisa Begić i Vladimir Jurišić, članovi Nezavisnog odbora, održat će sastanak s rukovodstvom Državne agencije za istrage i zaštitu; a Ilma Mehić-Jusufović, Mate Miletić i Ljubomir Kuravica, članovi Nezavisnog odbora, održat će sastanak s rukovodstvom Direkcije za koordinaciju policijskih tijela BiH.

Na 41. sjednici Nezavisnog odbora, održanoj 29. 1. 2018, članovi Nezavisnog odbora razmatrali su pristigle prijave na Javni konkurs za provođenje procedure odabira kandidata za izbor direktora i zamjenika direktora policijskih tijela Bosne i Hercegovine. Konstatirano je da je blagovremeno pristiglo 20 prijava. Nakon uvida u sve pristigle prijave, članovi Nezavisnog odbora konstatirali su da su se na Javni konkurs prijavili sljedeći kandidati: Ranko Vuković, na poziciju zamjenika direktora Direkcije za koordinaciju policijskih tijela BiH, Almir Bašić, na poziciju zamjenika direktora Granične policije BiH, Zoran Galić, na poziciju direktora Granične policije BiH i zamjenika direktora Državne agencije za istrage i

zaštitu, Duško Drljača, na pozicije zamjenika direktora Granične policije BiH i zamjenika direktora Direkcije za koordinaciju policijskih tijela BiH, Semir Pašanbegović, na pozicije zamjenika direktora Granične policije BiH i zamjenika direktora Državne agencije za istrage i zaštitu, Amra Aljić, na pozicije zamjenika direktora Granične policije BiH i direktora Direkcije za koordinaciju policijskih tijela BiH, Davor Vidović, na poziciju zamjenika direktora Direkcije za koordinaciju policijskih tijela BiH, Ivica Bošnjak, na poziciju zamjenika direktora Direkcije za koordinaciju policijskih tijela BiH, Mirsad Vilić, na poziciju direktora Direkcije za koordinaciju policijskih tijela BiH, Jasmin Gogić, na pozicije zamjenika direktora Granične policije BiH i direktora Direkcije za koordinaciju policijskih tijela BiH, Ensad Korman, na pozicije zamjenika direktora Granične policije BiH, direktora Direkcije za koordinaciju policijskih tijela BiH i zamjenika direktora Državne agencije za istrage i zaštitu, Đuro Knežević, na pozicije direktora Granične policije BiH i zamjenika direktora Državne agencije za istrage i zaštitu, Relja Kovač, na poziciju zamjenika direktora Direkcije za koordinaciju policijskih tijela BiH, Robert Perić, na pozicije direktora Direkcije za koordinaciju policijskih tijela BiH, zamjenika direktora Direkcije za koordinaciju policijskih tijela BiH, direktora Granične policije BiH, zamjenika direktora Granične policije BiH i zamjenika direktora Državne agencije za istrage i zaštitu, Semir Šut, na poziciju direktora Direkcije za koordinaciju policijskih tijela BiH, Fahrudin Halač, na poziciju zamjenika direktora Granične policije BiH, Šero Družić, na pozicije zamjenika direktora Direkcije za koordinaciju policijskih tijela BiH, zamjenika direktora Granične policije BiH i zamjenika direktora Državne agencije za istrage i zaštitu, Dragan Kulić, na poziciju zamjenika direktora Direkcije za koordinaciju policijskih tijela BiH, Zoran Glušac, na poziciju zamjenika direktora Direkcije za koordinaciju policijskih tijela BiH i Dragan Prodanović, na poziciju zamjenika direktora Direkcije za koordinaciju policijskih tijela BiH. Dogovoreno je da se po službenoj dužnosti dopisom zatraži od nadležnih ministarstava unutrašnjih poslova dokaz o neosuđivanju, nakon čega će kandidati biti pozvani na intervju. Dalje, jednoglasno je usvojen Izvještaj o posjeti članova Nezavisnog odbora Direkciji za koordinaciju policijskih tijela BiH od 22. 1. 2018.

Na 42. sjednici Nezavisnog odbora, održanoj 22. 2. 2018, učinjen je uvid u podatke iz kaznene evidencije za kandidate prijavljene na Javni konkurs za provođenje procedure odabira kandidata za izbor direktora i zamjenika direktora policijskih tijela Bosne i Hercegovine. Nakon uvida u sve podatke iz kaznene evidencije, jednoglasno je konstatirano

da svih 20 kandidata ispunjava uslove propisane Javnim konkursom za provođenje procedure odabira kandidata za izbor direktora i zamjenika direktora policijskih tijela Bosne i Hercegovine, te da će biti pozvani na intervju. Dogovoreno je da se intervju s kandidatima prijavljenim na Javni konkurs za provođenje procedure odabira kandidata za izbor direktora i zamjenika direktora policijskih tijela Bosne i Hercegovine održi 8. i 9. 3. 2018, redosljedom propisanim članom 6. stav (6) Odluke o uslovima i kriterijima za odabir, postupak ocjenjivanja i utvrđivanja rang-liste najuspješnijih kandidata otvorene konkurencije za izbor direktora i zamjenika direktora policijskih tijela Bosne i Hercegovine, broj: 03-34-6-36/10 od 5. 1. 2010.

Dalje, jednoglasno je usvojen Izvještaj o posjeti članova Nezavisnog odbora Graničnoj policiji BiH od 25. 1. 2018. i Izvještaj o posjeti članova Nezavisnog odbora Državnoj agenciji za istrage i zaštitu od 29. 1. 2018.

Razmatrana je i anonimna predstavka policijskog službenika P. D. nakon čega su članovi Nezavisnog odbora jednoglasno konstatali da, imajući u vidu nadležnosti Nezavisnog odbora Parlamentarne skupštine BiH propisane odredbama člana 3. stav 1. tačka c) Zakona o nezavisnim i nadzornim tijelima policijske strukture BiH („Službeni glasnik BiH“, broj 36/08), odnosno člana 8. stav 1. tačka d) Poslovnika o radu Nezavisnog odbora kao nezavisnog tijela policijske strukture BiH („Službeni glasnik BiH“, broj 93/09), navedena predstavka nije predmet razmatranja ovog tijela.

Na 43. sjednicu Nezavisnog odbora, održanoj 8. 3. 2018, članovi Nezavisnog odbora pozvali su na intervju deset kandidata koji su se prijavili i koji ispunjavaju uslove Javnog konkursa za provođenje procedure odabira kandidata za izbor direktora i zamjenika direktora policijskih tijela Bosne i Hercegovine, i to: Aljić Amra, Bašić Almir, Bošnjak Ivica, Drljača Duško, Družić Šero, Galić Zoran, Glušac Zoran, Gogić Jasmin, Halač Fahrudin i Knežević Đuro.

Intervjuu su se odazvali: Amra Aljić, Almir Bašić, Ivica Bošnjak, Duško Drljača, Zoran Galić, Zoran Glušac, Jasmin Gogić, Fahrudin Halač i Đuro Knežević,

Na 44. sjednicu Nezavisnog odbora, održanu 9. 3. 2018, članovi Nezavisnog odbora pozvali su preostalih deset kandidata koji su se prijavili i koji ispunjavaju uslove Javnog konkursa za provođenje procedure odabira kandidata za izbor direktora i zamjenika direktora policijskih tijela Bosne i Hercegovine, i to: Korman Ensad, Kovač Relja, Kulić Dragan,

Pašanbegović Semir, Perić Robert, Prodanović Dragan, Šut Semir, Vidović Davor, Vilić Mirsad i Vuković Ranko

– Intervjuu su se odazvali: Ensad Korman, Relja Kovač, Dragan Kulić, Semir Pašanbegović, Dragan Prodanović. Semir Šut, Davor Vidović, Mirsad Vilić, Ranko Vuković.

Na 45. sjednici Nezavisnog odbora, održanoj 9. 3. 2018, članovi Nezavisnog odbora utvrdili su konačnu rang-listu uspješnih kandidata prijavljenih na Javni konkurs za provođenje procedure odabira kandidata za izbor direktora i zamjenika direktora policijskih tijela Bosne i Hercegovine koja je u skladu s članom 13. stav (2) Poslovnika o radu Nezavisnog odbora kao nezavisnog tijela policijske strukture BiH ("Službeni glasnik BiH", broj 93/09) dostavljena ministru sigurnosti BiH na daljnje postupanje.

RANG-LISTA

uspješnih kandidata

I. Za poziciju direktora Granične policije Bosne i Hercegovine:

1. Zoran Galić (97,22 boda)

II. Za poziciju zamjenika direktora Granične policije Bosne i Hercegovine

1. Fahrudin Halač (84,44 boda)
2. Jasmin Gogić (60,00 bodova)
3. Ensad Korman (53,88 bodova)

III. Za poziciju zamjenika direktora Državne agencije za istrage i zaštitu

1. Duro Knežević (95,00 bodova)

IV. Za poziciju direktora Direkcije za koordinaciju policijskih tijela Bosne i Hercegovine --

1. Mirsad Vilić (97,77 bodova)
2. Jasmin Gogić (56,66 bodova)

V. Za poziciju zamjenika direktora Direkcije za koordinaciju policijskih tijela Bosne i Hercegovine (2 izvršioca)

1. Ivica Bošnjak (95,66 bodova)
2. Relja Kovač (92,22 boda)
3. Dragan Prodanović (84,44 boda)
4. Ranko Vuković (77,22 boda)

Na 3. hitnoj sjednici Nezavisnog odbora, održanoj 11. 4. 2018, članovi Nezavisnog odbora razmatrali su lični zahtjev za razrješenje dužnosti Uroša Pene, zamjenika direktora Direkcije za koordinaciju policijskih tijela BiH, koji je dostavljen na daljnju nadležnost i postupanje, nakon čega su jednoglasno donijeli **zaključak** da se lični zahtjev za razrješenje dužnosti zamjenika direktora Direkcije za koordinaciju policijskih tijela BiH Uroša Pene proslijedi Vijeću ministara BiH, uz napomenu da uz zahtjev nije dostavljena relevantna dokumentacija o ispunjavanju uslova za odlazak u penziju u skladu s odredbama člana 119. stav (1) tačka 3. Zakona o policijskim službenicima BiH. Odlučeno je i da se predmetni zaključak dostavi i Ministarstvu sigurnosti BiH i Direkciji za koordinaciju policijskih tijela BiH

Na 46. sjednici Nezavisnog odbora, održanoj 23. 4. 2018, razmatrana je dopuna zahtjeva za razrješenje dužnosti Uroša Pene, zamjenika direktora Direkcije za koordinaciju policijskih tijela BiH, nakon čega je jednoglasno usvojen sljedeći

ZAKLJUČAK

U skladu sa zaključkom Nezavisnog odbora Parlamentarne skupštine BiH s 3 hitne sjednice, potrebno je dostaviti Vijeću ministara BiH dopunjen zahtjev za razrješenje dužnosti zamjenika direktora Direkcije za koordinaciju policijskih tijela BiH Uroša Pene na ocjenu i daljnje postupanje.

Na 47. sjednici Nezavisnog odbora, održanoj 22. 5. 2018, članovi Nezavisnog odbora jednoglasno su usvojili sljedeći

ZAKLJUČAK

Od Direkcije za koordinaciju policijskih tijela BiH, Državne agencije za istrage i zaštitu BiH i Granične policije BiH traži se dostavljanje Izvještaja o radu za 2017. godinu i Plana rada za 2018. godinu, najkasnije do 4. 6. 2018, radi sagledavanja provedenih i planskih aktivnosti ovih policijskih tijela.

Na 48. sjednici Nezavisnog odbora, održanoj 18. 6. 2018, razmatrani su Izvještaj o radu Granične policije BiH za 2017. godinu i Programa rada Granične policije BiH za 2018. godinu koje je rukovodstvo Granične policije dostavilo Nezavisnom odboru u skladu sa zaključkom s 47. sjednice. U vezi s tim, na sjednicu su pozvani i prisustvovali joj Zoran Galić, direktor Granične policije BiH, i Fahrudin Halač, zamjenik direktora Granične policije BiH, kako bi s članovima Nezavisnog odbora razmatrali dostavljeni materijal.

Razgovarali su i o trenutnom stanju u Graničnoj policiji BiH, problemima s kojima se susreću u radu, migrantskoj krizi koja je gorući problem u BiH, nedostatku velikog broja policijskih službenika u Graničnoj policiji BiH, kadrovskoj popunjenosti, o saradnji s drugim policijskim agencijama te drugim pitanjima iz domena rada Granične policije BiH.

Nakon rasprave, članovi Nezavisnog odbora jednoglasno su primili k znanju Izvještaj o radu Granične policije BiH za 2017. godinu i Program rada Granične policije BiH za 2018. godinu te jednoglasno usvojili sljedeće zaključke:

ZAKLJUČAK I.

Nakon razmatranja Izvještaja o radu Granične policije BiH za 2017. godinu i Programa rada Granične policije BiH za 2018. godinu, te nakon razgovora s direktorom i zamjenikom direktora Granične policije BiH, Nezavisni odbor zaključio je da se nameće hitna potreba za prijem najmanje 200 policijskih službenika u Graničnu policiju BiH

ZAKLJUČAK II.

Nezavisni odbor inticra razmatranje prijedloga teksta Pravilnika o unutrašnjoj organizaciji i sistematizaciji radnih mjesta u Graničnoj policiji BiH.

Na 49. sjednici Nezavisnog odbora, održanoj 9. 7. 2018, razmatrani su Izvještaj o radu Državne agencije za istrage i zaštitu za 2017. godinu i Program rada Državne agencije za istrage i zaštitu za 2018. godinu koje je rukovodstvo Državne agencije za istrage i zaštitu dostavilo Nezavisnom odboru u skladu sa zaključkom s 47. sjednice. U vezi s tim, na sjednicu su pozvani direktor Državne agencije za istrage i zaštitu Perica Stanić i zamjenik direktora Državne agencije za istrage i zaštitu Đuro Knežević. Razgovarali su o trenutnom stanju u Državnoj agenciji za istrage i zaštitu, problemima s kojima se susreću u radu, migrantskoj krizi, kadrovskoj popunjenosti, o nacionalnoj strukturi zaposlenih u ovoj policijskoj agenciji, Zakonu o Državnoj agenciji za istrage i zaštitu, o saradnji s drugim policijskim agencijama te drugim pitanjima iz domena rada Državne agencije za istrage i zaštitu, nakon čega su članovi Nezavisnog odbora jednoglasno primili k znanju Izvještaj o radu Državne agencije za istrage i zaštitu za 2017. godinu i Program rada Državne agencije za istrage i zaštitu za 2018. godinu.

Na 50. sjednici Nezavisnog odbora, održanoj 27. 8. 2018, razmatrani su Izvještaj o radu Direkcije za koordinaciju policijskih tijela BiH za 2017. godinu i Program rada Direkcije za koordinaciju policijskih tijela BiH za 2018. godinu koje je rukovodstvo Direkcije za koordinaciju policijskih tijela BiH dostavilo Nezavisnom odboru u skladu sa zaključkom s 47. sjednice. U vezi s tim, na sjednicu su pozvani i prisustvovali joj Mirsad Vilić, direktor Direkcije za koordinaciju policijskih tijela BiH, te Ivica Bošnjak i Ranko Vuković, zamjenici direktora Direkcije za koordinaciju policijskih tijela BiH, kako bi s članovima Nezavisnog odbora razmatrali dostavljeni materijal. Razgovarano je o trenutnom stanju u Direkciji za koordinaciju policijskih tijela BiH, rezultatima koje su postigli u prethodnom periodu, migrantskoj krizi, prijemu novih 50 policijskih službenika u činu policajac, obuci policijskih službenika, rješavanju problema vezanog za trajni smještaj Direkcije za koordinaciju policijskih tijela BiH, o saradnji s drugim policijskim agencijama te drugim pitanjima iz domena Direkcije za koordinaciju policijskih tijela BiH.

Na 51. sjednici Nezavisnog odbora, održanoj 24. 9. 2018, članovi Nezavisnog odbora Adisa Begić, Mate Miletić i Ljubomir Kuravica informirali su ostale članove o posjeti Direkciji za koordinaciju policijskih tijela BiH prilikom koje su održali sastanak s rukovodstvom Direkcije za koordinaciju policijskih tijela BiH te prisustvovali sjednici Štaba koji je formiran uoči dolaska VIP ličnosti - ministra vanjskih poslova Ruske Federacije Sergeja Lavrova u Bosnu i Hercegovinu.

Na 52. sjednici Nezavisnog odbora, održanoj 22. 10. 2018, članovi Nezavisnog odbora jednoglasno su usvojili Izvještaj sa sastanka članova Nezavisnog odbora Parlamentarne skupštine BiH kao nezavisnog tijela policijske strukture BiH s rukovodstvom Direkcije za koordinaciju policijskih tijela BiH, od 13. 9. 2018, i Izvještaj sa sastanka članova Nezavisnog odbora Parlamentarne skupštine BiH kao nezavisnog tijela policijske strukture BiH s rukovodstvom Granične policije BiH, od 4. 10. 2018.

Također, razmatran je dopis Ministarstva sigurnosti BiH koje je ovom tijelu uputilo predstavku policijskog službenika Direkcije za koordinaciju policijskih tijela BiH nakon čega je jednoglasno usvojen sljedeći

ZAKLJUČAK

Nezavisni odbor Parlamentarne skupštine BiH će, u zavisnosti od postupanja nadležnih tijela, eventualno preduzeti mjere iz svoje nadležnosti. Također, Nezavisni odbor je zaključio

da obaveže Direkciju za koordinaciju policijskih tijela BiH da konačnu odluku o eventualnoj disciplinskoj odgovornosti podnosioca prijave dostavi ovom odboru.

Na 53. sjednici Nezavisnog odbora, održanoj 19. 11. 2018. članovi Nezavisnog odbora jednoglasno su usvojili Izvještaj sa sastanka članova Nezavisnog odbora Parlamentarne skupštine BiH kao nezavisnog tijela policijske strukture BiH s rukovodstvom Državne agencije za istrage i zaštitu, od 12. 11. 2018.

Na 54. sjednici Nezavisnog odbora, održanoj 12. 12. 2018. razmatran je Prijedlog plana rada Nezavisnog odbora Parlamentarne skupštine BiH kao nezavisnog tijela policijske strukture Bosne i Hercegovine za 2019. godinu koji je nakon rasprave jednoglasno usvojen. Razmatrano je i Obavještenje Zajedničke advokatske kancelarije "Advokati", a u vezi s predstavkom koja je bila predmet rasprave na 52. sjednici Nezavisnog odbora, nakon čega su članovi Nezavisnog odbora jednoglasno donijeli sljedeći

ZAKLJUČAK

Nezavisni odbor Parlamentarne skupštine BiH će od Direkcije za koordinaciju policijskih tijela BiH zatražiti informaciju o preduzetim aktivnostima u predmetu Nezir Čolaković

Također, razmatran je i dopis Ministarstva unutrašnjih poslova Republike Srpske, a u vezi sa osiguranjem predsjedavajućeg Predsjedništva Bosne i Hercegovine Milorada Dodika, nakon čega su članovi Nezavisnog odbora jednoglasno donijeli sljedeći

ZAKLJUČAK

U vezi s dopisom Ministarstva unutrašnjih poslova Republike Srpske, Nezavisni odbor će u što kraćem roku, najkasnije do utorka, 18. 12. 2018, a radi sagledavanja navedenog pitanja, održati sastanak s rukovodstvom Direkcije za koordinaciju policijskih tijela BiH. Sastanku će prisustvovati Enes Obrić, prvi zamjenik predsjednice Nezavisnog odbora, Mato Jozić, drugi zamjenik predsjednice Nezavisnog odbora, i Vladimir Jurišić, član Nezavisnog odbora.

Odjeljak B. Realizacija zadataka održavanjem sastanaka s rukovodiocima policijskih tijela BiH u skladu s Planom rada za 2018. godinu

Planom rada Nezavisnog odbora za 2018. godinu predviđeno je održavanje pojedinačnih sastanaka s rukovodstvom Direkcije za koordinaciju policijskih tijela BiH, Državne agencije

za istrage i zaštitu i Granične policije BiH. Cilj ovih sastanaka je uvid u rad i upoznavanje s problemima s kojima se u radu susreću rukovodioci policijskih agencija BiH. Nezavisni odbor obavlja zadatke iz svoje nadležnosti i putem izvještaja o radu koji dostavlja Parlamentarnoj skupštini BiH na razmatranje i usvajanje informira je o problemima u radu policijskih agencija BiH iz svoje nadležnosti.

Nezavisni odbor je u 2018. godini, u skladu s članom 18. Poslovnika o radu Nezavisnog odbora i Planom rada Nezavisnog odbora za 2018. godinu obavio posjete:

Posjete	Datum posjeta
Direkciji za koordinaciju policijskih tijela BiH	22. 1. 2018.
Graničnoj policiji BiH	25. 1. 2018.
Državnoj agenciji za istrage i zaštitu	29. 1. 2018.
Direkciji za koordinaciju policijskih tijela BiH	13. 9. 2018.
Graničnoj policiji BiH	4. 10. 2018.
Državnoj agenciji za istrage i zaštitu	12. 11. 2018.
Direkciji za koordinaciju policijskih tijela BiH	18. 12. 2018.

1. Direkciji za koordinaciju policijskih tijela BiH, 22. 1. 2018.

Sastanak članova Nezavisnog odbora kao nezavisnog tijela policijske strukture BiH s direktorom Direkcije za koordinaciju policijskih tijela BiH Mirsadom Vilićem održan je 22. 1. 2018. u prostorijama Direkcije za koordinaciju policijskih tijela BiH. U ime Nezavisnog odbora sastanku su prisustvovali Ilma Mehić-Jusufović, Mate Miletić i Ljubomir Kuravica, članovi Nezavisnog odbora, te Ivana Lovrić, sekretar Nezavisnog odbora.

2. Graničnoj policiji BiH, 25. 1. 2018.

Sastanak članova Nezavisnog odbora kao nezavisnog tijela policijske strukture BiH s direktorom Granične policije BiH Zoranom Galićem i pomoćnikom direktora za organizaciju

i operacije Slobodanom Krstićem održan je 25. 1. 2018. u prostorijama Granične policije BiH. U ime Nezavisnog odbora sastanku su prisustvovali Tatjana Klječanin-Martić, predsjednica Nezavisnog odbora, Enes Obralića, prvi zamjenik predsjednice Nezavisnog odbora, i Nikola Džambas, član Nezavisnog odbora, te Ivana Lovrić, sekretar Nezavisnog odbora.

3. Državnoj agenciji za istrage i zaštitu, 29. 1. 2018.

Sastanak članova Nezavisnog odbora kao nezavisnog tijela policijske strukture BiH s direktorom Državne agencije za istrage i zaštitu BiH Pericom Stanićem i zamjenikom direktora Državne agencije za istrage i zaštitu Đurom Kneževićem održan je 29. 1. 2018. u prostorijama Državne agencije za istrage i zaštitu BiH. U ime Nezavisnog odbora sastanku su prisustvovali Mato Jozić, drugi zamjenik predsjednice Nezavisnog odbora, Adisa Begić i Vladimir Jurišić, članovi Nezavisnog odbora, te Ivana Lovrić, sekretar Nezavisnog odbora.

4. Direkciji za koordinaciju policijskih tijela BiH, 13. 9. 2018.

Sastanak članova Nezavisnog odbora kao nezavisnog tijela policijske strukture BiH s direktorom Direkcije za koordinaciju policijskih tijela BiH Mirsadom Vilićem, zamjenicima direktora Direkcije za koordinaciju policijskih tijela BiH Ivićem Bošnjakom i Rankom Vukovićem održan je 13. 9. 2018. u prostorijama Direkcije za koordinaciju policijskih tijela BiH. U ime Nezavisnog odbora sastanku su prisustvovali Adisa Begić, Mate Miletić i Ljubomir Kuravica, članovi Nezavisnog odbora. Tom prilikom prisustvovali su i sjednici Štaba koji je formiran uoči dolaska VIP ličnosti - ministra vanjskih poslova Ruske Federacije Sergeja Lavrova u Bosnu i Hercegovinu.

5. Graničnoj policiji BiH, 4. 10. 2018.

Sastanak članova Nezavisnog odbora kao nezavisnog tijela policijske strukture BiH s direktorom Granične policije BiH Zoranom Galićem i zamjenikom direktora Granične policije BiH Fahrudinom Halaćem održan je 4. 10. 2018. u prostorijama Granične policije BiH. U ime Nezavisnog odbora sastanku su prisustvovali Enes Obralića, prvi zamjenik predsjednice Nezavisnog odbora, Mato Jozić, drugi zamjenik predsjednice Nezavisnog

odbora, i Ljubomir Kuravica, član Nezavisnog odbora, te Ivana Lovrić, sekretar Nezavisnog odbora.

6. Državnoj agenciji za istrage i zaštitu, 12. 11. 2018.

Sastanak članova Nezavisnog odbora kao nezavisnog tijela policijske strukture BiH s direktorom Državne agencije za istrage i zaštitu Pericom Stanićem i zamjenikom direktora Državne agencije za istrage i zaštitu Đurom Kneževićem održan je 12. 11. 2018. u prostorijama Državne agencije za istrage i zaštitu. U ime Nezavisnog odbora sastanku su prisustvovali Ilma Mehić-Jusufova, Mate Miletić i Ljubomir Kuravica, članovi Nezavisnog odbora, te Ivana Lovrić, sekretar Nezavisnog odbora.

7. Direkciji za koordinaciju policijskih tijela BiH, 18. 12. 2018.

U skladu sa zaključkom s 54. sjednice Nezavisnog odbora, 18. 12. 2018, u prostorijama Direkcije za koordinaciju policijskih tijela BiH održan je sastanak članova Nezavisnog odbora kao nezavisnog tijela policijske strukture BiH s direktorom Direkcije za koordinaciju policijskih tijela BiH Mirsadom Vilićem, zamjenicima direktora Direkcije za koordinaciju policijskih tijela BiH, Ivica Bošnjak i Ranko Vuković. U ime Nezavisnog odbora sastanku su prisustvovali Enes Obralić, prvi zamjenik predsjednice Nezavisnog odbora, Mato Jozić, drugi zamjenik predsjednice Nezavisnog odbora, i Vladimir Jurišić, član Nezavisnog odbora, te Ivana Lovrić, sekretar Nezavisnog odbora.

POGLAVLJE IV. SARADNJA S MEĐUNARODNIM ORGANIZACIJAMA I OSIGURANJE JAVNOSTI RADA

Rad Nezavisnog odbora pratili su i svim sjednicama prisustvovali predstavnici OIIR-a. Sve sjednice Nezavisnog odbora pratili su zaposleni u Sektoru za odnose s javnošću Sekretarijata Parlamentarne skupštine BiH te predstavnici medija u BiH. Javnost se može upoznati s radom Nezavisnog odbora i putem akata koje je ovaj odbor usvajao i putem zapisnika, jer su objavljeni na internetskoj stranici Parlamentarne skupštine BiH. Na ovaj način osigurana je transparentnost rada Nezavisnog odbora.


POGLAVLJE V. ADMINISTRATIVNO-TEHNIČKA PODRŠKA RADU

Zajednička služba Sekretarijata Parlamentarne skupštine BiH je, prema Zakonu o nezavisnim i nadzornim tijelima policijske strukture u BiH, zadužena da pruža svu administrativno-tehničku podršku radu Nezavisnom odboru. Zajednička služba osigurala je potrebne uslove za rad Nezavisnog odbora angažiranjem stručnog osoblja, ali i osiguravanjem materijalno-tehničkih i drugih uslova za nesmetan rad.

POGLAVLJE VI. PREPORUKE I ZAKLJUČCI

Nezavisni odbor realizirao je većinu programskih aktivnosti planiranih u 2018. godini, a u skladu sa Zakonom o nezavisnim i nadzornim tijelima policijske strukture Bosne i Hercegovine.

Nezavisni odbor predlaže Parlamentarnoj skupštini BiH da usvoji Izvještaj o radu Nezavisnog odbora kao nezavisnog tijela policijske strukture u BiH za 2018. godinu.



PRILOG: Tabelarni prikaz održanih sjednica i prisustva Nezavisnog odbora u 2018. godini

**TABELARNI PRIKAZ ODRŽANIH SJEDNICA I PRISUSTVA ČLANOVA
SJEDNICAMA NEZAVISNOG ODBORA ZA 2018. GODINU**

Broj i datum održavanja sjednice	Ime i prezime člana Nezavisnog odbora								
	Tatjana Klječanin Martić	Enes Obralijsa	Mato Jozić	Ilma Mehić Jusufbašić	Adisa Begić	Nikola Džambas	Mate Miletić	Ljubomir Kuravica	Vladimir Jurišić
40. sjednica 15.1.2018.	+	+	+	+	+	+	+	+	+
41. sjednica 29.1.2018.	+	+	+	+	+	+	+	+	+
42. sjednica 22.2.2018.	+	+	+	+	+	+	+	+	Opravdano odsutan
43. sjednica 8.3.2018.	+	+	+	+	+	+	+	+	+
44. sjednica 9.3.2018.	+	+	+	+	+	+	+	+	+
45. sjednica 9.3.2018.	+	+	+	+	+	+	+	+	+
3. hitna sjednica 11.4.2018.	+	+	Opravdano odsutan	+	Opravdano odsutna	+	+	+	+
46. sjednica 23.4.2018.	+	+	+	+	+	+	+	+	Opravdano odsutan
47. sjednica 22.5.2018.	+	+	+	+	+	+	+	+	+
48. sjednica 18.6.2018.	Opravdano odsutna	+	+	+	+	+	+	+	+
49. sjednica 9.7.2018.	Opravdano odsutna	+	Opravdano odsutan	+	+	+	+	+	+
50. sjednica 27.8.2018.	Opravdano odsutna	+	+	+	+	+	+	+	+
51. sjednica 24.9.2018.	Opravdano odsutna	+	Opravdano odsutan	+	+	+	+	+	+
52. sjednica 22.10.2018.	Opravdano odsutna	+	+	+	+	+	+	+	Opravdano odsutan

53. sjednica 19.11.2018.	Opravdano odsutna	+	+	+	+	+	+	+	+
54. sjednica 12.12.2018.	Opravdano odsutna	+	+	+	+	+	+	+	+

Napomena: Tatjana Klječanin Maritić, predsjednica Nezavisnog odbora je dopisom broj: 01,02,05/1-34-1-1382/18 od 7.6.2018. godine, podnijela Zahtjev za razrješenje dužnosti člana Nezavisnog odbora kao nezavisnog tijela policijske strukture BiH.

Dom naroda Parlamentarne skupštine Bosne i Hercegovine je na 41. sjednici, održanoj 27. jula 2018. godine, donio je Odluku o razrješenju dužnosti člana Nezavisnog odbora kao nezavisnog tijela policijske strukture BiH Tatjane Klječanin Martić dok Predstavnički dom Parlamentarne skupštine navedeni Zahtjev nije razmatrao.